

Yozgiz moq ngoenz daih'it, bakdou hung Ginhsiz Siujyoz, song aen cigiuhuceh “ngeu ngeu ngeu” nei hemq guh mbouj dingz mbouj duenh .

Daihgaig aen cungdaeuz gaxgonq, Ginhsiz Siujyoz ngeih nienzgaep banhcujiyin Vangz Cwng bongh haeuj yaucangj bangunhsiz bae, heiq gwnz mbouj dem heiq laj muengzfwdfwd doiq yaucangj naeuz, aen ban de miz cib geij boux lwgnyez heuh naeuz dungxin raixcaix, banneix daejngaungau ne!

“Gijmaz! Cib geij boux lwgnyez!” Yaucangj “dang” baez ndeu coq aen cenjcaz ngamq yo daengz henz bak haenx dauq gwnz daiz bae, lienzmuengz byaij ok bangunhsiz, Vangz Cwng muengzfwdfwd riengz youq baihlaeng. Daeuj daengz aen gyausiz ngeih nienzgaep, yaucangj lienzmuengz fuz geij boux lwnggez hwnjdaeuj, cam dauqdaeuj ok saeh maz lo, hoeng gyoengq lwgnyez cij naeuz dungxin lai dingj mbouj ndaej, hix gangj mbouj ok vihmaz dungxin.

Yawjraen cib geij lwgnyez boux daej daej boux heuh heuh, yaucangj simgaenj dangqmaz, doiq Vangz Cwng naeuz: “Vaiq! Dwk denva heuh cigiuhuceh daeuj!” Vangz Cwng sikhaek dwk denva hawj yen yihyen.

Mbouj daengz 40 faencung, song aen cigiuhuceh couh hai daengz bakdou zozyau lo. Cib geij boux lwgnyez ndaej ram hwnj ci bae.

Bungz daengz gij saeh hauhneix, yaucangj naeuz ceiq ndei hawj gyoengq cawjranz lwgnyez rox cingzgvang. Vangz Cwng couh dwk doeng denva boux cawjranz ndeu, lwnh gij saeh hawj de nyi.

Gyoengq cawjranz ngeih nienzgaep neix, miz haujlai boux doengz youq Gvangjdungh dajgoeng, cib geij ngoenz gonq doengz dauqranz gvaq ciet caet nyied cibseiq, banneix ciet gvaq liux, lwgnyez youh yaek haihag, gyoengqde couh doxdap bauci dauqbae Gvangjdungh dajgoeng lo. Byawz rox ci ngamq hai ok mbanj aen lai cungdaeuz, couh dingqnyi Vangz Cwng lauxsae naeuz lwg swheij ok saeh lo. Gyoengqde sim diuqdwkdwk, sikhaek naeuz hawj bouxdawzei hai ci doxdauq.

Gyoengq lwgnyez deng soengq daengz yen yihyen mbouj geij nanz, gyoengq cawjranz caemh daeuj daengz lo. Aenvih yihyen naeuz banneix gyoengq lwgnyez cingq youq genjcaz, mbouj ndaej bae yawj. Goengq cawjranz miz vnz couh hainduj ienq hwnjdaeuj lo, naeuz bibi gyau ngaenz hojsizfei hawj zozyau, gij ngaenz haenx haengjdingh deng gyoengq lauxsae gaep bae lai, sizdangz cij rox aeu gij doxgaig mbouj seuq daeuj hawj lwgnyez gwn, ndigah cij miz gij saeh neix okdaeuj…… Gyoengqde boux gangj neix boux gangj haenx, cungj mbouj miz coenz vah ndei lawz. Gyoengq lauxsae miz leix mbouj rox daj gizlawz gangj, gig mbouj cwxcaih.

Cib geij boux lwgnyez dungxin deng soengq haeuj yen yihyen, gij saeh neix gig hung, yen cwngfuj youq gyoengq lwgnyez ndaej ram hwnj cigiuhuceh seizhaenx couh rox gienh saeh neix lo, yienzhaeuh sikhaek baij sizbinj caeuq veiswng h bumwnz bae diucaz aen sizdangz zozyau.

Banringzgvaq, yihyen genjcaz ok gezgoj le. Hoeng, gij hawj vnz siengj mbouj daengz dwg: Yihyen naeuz ra mbouj ok vihmaz lwgnyez dungxin!

# Bingh Gyoengq Lwgnyez

## 孩子们的病

□ Veiz Yinyiz / 韦运益

Gyoengq cawjranz dingqnyi youh hemq hwnjdaeuj, naeuz yihyen mbouj baenz yihyen, cij rox caeuq zozyau guhgyoengq yaeuh vnz aeu ngaenz.

Gyoengq cawjranz hozhwnj seiz, gyoengq lwgnyez daj ndaw yihyen okdaeuj lo. Gyoengq cawjranz lienzmuengz veiz gvaqbae, gag boux gag umj lwg swheij cam gwnz cam laj, hoeng, gij lwgnyez cungj goemzgyaeuj mbouj oksing. Yihyen yencangj naeuz, danghnaeuz gyoengq cawjranz mbouj cuengqsim, yihyen hawj aen cigiuhuceh ndeu soengq gyoengq lwgnyez bae si yihyen genjcaz. Gyoengq cawjranz doengzeiq lo, hoeng gyoengq lwgnyez mbouj nyienh, dailix dajlahi hix mbouj hwnj ci.

Cingq dwg seizneix, baih veiswng h caeuq sizbinj bumwnz genjcaz hix miz gezgoj lo, gezgoj dwg gij gwn sizdangz zozyau mbouj miz maz vwndiz. Gyoengq cawjranz menhmenh cuengqsim di lo, hoeng bouxboux youh ngeiz hwnjdaeuj: Gijmaz cungj mbouj miz vwndiz, vihmaz cib geij boux lwgnyez doengzcaeuz naeuz dungxin ne?

Yijvwnz lauxsae Cangh Meiz dwg boux gig miz gyauiyoz ginghyen ndeu, de lumjbaenz yawj ok di saeh maz nei. Couh umj lwgnyez ndeu haeuj rungj daeuj menh rub aen gyauiy de menh naeuz: “Mwngz bingzciengz ceiq gva i lo, miz saeh maz cungj caeuq lauxsae gangj caen, banneix mwngz siengj maz couh caeuq lauxsae gangj, mbouj yungh yaeuh bouxlaux naeuz dungxin bw, yienghneix lauxsae caeuq bohme h cungj yousim mwngz dahraix bw!” Gyoengq bouxlaux dingqnyi Cangh Meiz baenzneix gangj, hix ngeiz hwnjdaeuj lo: Nanzdauh gyoengq lwgnyez neix caen yaeuh vnz, mbouj dwg caen dungxin?

Boux bohranz ndeu nyaenx mbouj ndaej couh rag lwg bonjfaenh de daengz doiqnaj hemq naeuz: “Mwngz caen dungxin couh hwnj ci bae si yihyen genjcaz, mbouj miz bingh couh bae ranz, gou caeuq meh mwngz lij yaek bae Gvangjdungh dajgoeng, mboujne bae gyawz aeu ngaenz ciengx mwngz!” Byawz rox boux bohranz neix ngamq hemq liux, lwg de couh daejngaungau hwnjdaeuj, naeuz: “Gou couh mbouj siengj hawj sou ok baihrog bae, gou couh siengj ngoenzngoenz caeuq sou doengz youq……” Lwgnyez neix baez daej, gij lwgnyez wng hix doengzcaeuz daej hwnjdaeuj.

Cangh Meiz lauxsae sikhaek rox dwg maz saeh lo, de doiq gyoengq cawjranz naeuz: “Gyoengq lwg sou mbouj miz maz bingh ne, gyoengqde gig lauxsaed, cungj laihnaeuz baenzbingh le bohme h couh ndaej ce roengzdaeuj buenx de, ndigah bouxboux naeuz dungxin.” Dingqnyi Cangh lauxsae gangj, boux bohranz haxbaenh haenx sim' unq


roengzdaeuj di lo, menhmenh doiq lwg de naeuz: “Mwngz couh siengj hawj bohme h ce roengzdaeuj cij canggyaj naeuz dungxin dwg mbouj dwg? Bohme h mbouj gvaig mwngz, mwngz yaek doiq bohme h gangj caen bw!” Lwg de cij menhmenh uet raemxda menhmenh gangj okdaeuj……

Yenzlaiz, haetneix Ginhsiz Siujyoz gyoengq lwgnyez ngeih nienzgaep doxcaeuq bae zozyau, youq gyang roen bouxboux naeuz ciet caet nyied cibseiq caeuq bohme h bae gyawz guhcaemz, bae gyawz youz, sim' angq dangqmaz, gangj dwk gangj dwk, menhmenh couh sij mbouj ndaej bohme h ok rog bae dajgoeng lo. Miz lwgnyez ndeu heuhguh Dahfangh, de naeuz bi' gvaq ndwencieng, de baenzbingh, daxme h de couh ce roengzdaeuj buenx de sam ndwen lai. Hauhneix, lwgnyez wng couh naemj: Danghnaeuz swheij hix baenzbingh lo, bohme h de hix ndaej ce roengzdaeuj buenx swheij lo. Ndigah gyoengq lwgnyez couh doxdag naeuz bae daengz zozyau doengzcaeuz heuh dungxin, hawj lauxsae rox, gangj mbouj dingh lauxsae heuh bohme h dauq ranz bw! Couh hauhneix, cij miz gij saeh baihlaeng haenx. Laeng gyoengq lwgnyez raen mboujlwnh lauxsae roxnaeuz bohme h swheij cungj vih gienh saeh neix simvueng liux, couh rox gij saeh neix deng nauh hung lo, couh dajlahi mbouj gamj hwnj ci bae si yihyen, lau bohme h rox couh deng dub.

Dingqnyi lwgnyez neix gangj, gyoengq cawjranz bouxboux ndaeng soemj caez.

Rox lwg swheij caen mbouj miz bingh, gyoengq cawjranz couh cuengqsim lo. Hoeng, yawjraen gyoengq lwgnyez ing youq aen rungj bohme h vuenyungyung, yaucangj gyangznaek dwk doiq gyoengq cawjranz naeuz: “Sou laihnaeuz lwg sou caen mbouj miz bingh ma? Gou naeuz gyoengqde caen miz bingh dahraix, sou bouxlaux ciengzseiz okbae dajgoeng, ce lwg gag youq ranz, gij lwg sou ciengzseiz mbouj miz vnz buenx, ndawsim guhlawz mbouj baenzbingh ha, sou laihnaeuz ndwenndwen geiq ngaenz dauq hawj lwg couh baenz lo, mbouj dwg hauhneix ha, gyoengq lwg sou mbouj noix gwn mbouj noix daenj, couh noix sou youq henz ndang bae buenx de, bae gyaez de.”

Dingqnyi yaucangj gangj neix, gyoengq cawjranz ndwn youq gizhaenx, mwngz yawj gou gou yawj mwngz, nanznanz cungj mbouj miz vnz gangj coenz vah lawz.



Raem xdiuqdat iq Yungzsuij. Veiz Ginhsiz siuj

## Gou Gyaez Hag Sawcuengh

### 我爱学壮文

□ Dangz Gijfwngb / 唐启烽

Gou rox gangj Vahcuengh, couh aeu aen diuh bonjdieg daeuj hag Sawcuengh, 8 haemh gou couh hag rox doeg gij singme h caeuq yinhme h lo, gou lij hag rox eu 《Fwen Gingqlaeuj》、《Fwen Ciephek》 caeuq 《Fwen Soengqhek》 dem.

Haemhneix dwg haemh daihgouj, Vangz lauxsae yinx gou hag doeg 《Sawcuengh》 bien faenzcieng neix le, gou couh hag lienh sij bien cozvwnz neix lo. Gij loqsiengj aeu Sawcuengh daeuj sij faenzcieng gou couh yaek ndaej saedyienh lo, ndawsim gou gig angq.

Gyo'mbaiq Swcigih Minzyijveij lingjdauj daeuj cawjbanh, Duh'an h Yauzczuz Swciyen Minzyijveij lingjdauj cie p banh aen “Song Hag It Guh” ban nungzminz canghfwen lienh guh Fwencuengh. Banh aen ban neix dwg vih haenqrengz senhconz minzczuz vah saw cwnzczuz, gyahung gij yingjyangj minzczuz vah saw, doengzseiz vih Sanhdaujvanh Lijyouzgi h vwnzyi hozdung gyahaeuj gij yenzsu minzczuz.

Gou yaek haeujsim bae hag Sawcuengh, swnjcienz gij vwnzva Bouxcuengh raeuz.